

## Zaštita na radu – Fizičko distanciranje

Rad u bliskom kontaktu povećava rizik od izlaganja COVID-19.

Trenutni [zdravstveni savjet](#) je da svi, uključujući i osobe na radilištima, moraju primijeniti mjere fizičkog distanciranja kad god je to moguće.

Morate se posavjetovati s radnicima i predstavnicima službe za zaštitu na radu o pitanjima zdravlja i sigurnosti u vezi s COVID-19.

### Šta je fizičko distanciranje?

Kad je to moguće, svi se moraju držati na razmaku od najmanje 1,5 metara od ostalih (osim svoje osnovne porodice)

Neke [države i teritorije](#) mogu imati ograničenja ukupnog broja ljudi koji mogu biti na radnom mjestu u isto vrijeme.

### Koje mjere fizičkog distanciranja poslodavci mogu primijeniti na radnom mjestu?

#### Razmještaj

Možda ćete morati promijeniti razmještaj radilišta i protoka rada da bi se osiguralo fizičko distanciranje. Razmislite o postavljanju oznaka na podu ili na zidovima kojim se određuju zahtjevi za održavanje distance.

Ako mijenjate fizički izgled radnog mjesta, taj izgled mora omogućiti radnicima da sigurno ulaze, izlaze i kreću se po radilištu, kako u normalnim radnim uslovima, tako i u hitnim slučajevima.

#### Sastanci i obuka

Tamo gdje su okupljanja osoblja neophodna, koristite opcije kao što su telekonferencije ili videokonferencije.

Ako takva opcija nije moguća, ograničite vrijeme sastanka i broj ljudi.

Pobrinite se da su ljudi međusobno udaljeni najmanje 1,5 metara. Ako je sastanak u zatvorenom prostoru, pobrinite se za odgovarajuću ventilaciju.

## Sadržaji na radilištu

Rasporedite namještaj unaokolo i smanjite broj radnika koji koriste zajedničke prostore u određenom trenutku, kao što su pauze za obrok.

Pobrinite se da se radnici u liftovima drže na distanci od 1,5 metara, ako je moguće.

Postavite znakove o fizičkom distanciranju. Web stranica Safe Work Australia sadrži niz [postera i resursa](#).

Razmislite o zasebnim popratnim sadržajima, na primjer zasebnim zahodima za radnike i posjetioce.

## Isporuke, izvođači i posjetioći

Svima koji dolaze na radno mjesto dajte jasna uputstva šta vi zahtijevate dok se oni nalaze na radilištu. Na primjer, da ostanu u vozilima, koriste mobilne telefone za kontaktiranje i koriste elektronsku papirologiju.

Smanjite broj radnika koji rade na isporukama i sa izvođačima radova. Osigurajte mogućnost pranja ruku ili, ako to nije moguće, sredstva za dezinfekciju ruku na bazi alkohola, nakon svakog rukovanja isporukama.

## **Moji radnici ne mogu održavati fizičku distancu dok rade, znači li to da ne mogu raditi?**

Nije uvijek moguće da se radnici i ostali na radnom mjestu drže na razdaljini od 1,5 metara u svakom trenutku.

Ako je to slučaj, razmislite mora li se zadatak dovršiti ili ga se može odgoditi.

Ako zadatak mora biti završen, a radnici će biti u bliskom kontaktu, poslodavci moraju napraviti procjenu rizika kako bi utvrdili šta mogu učiniti da bi uklonili ili smanjili rizike po zdravlje i sigurnost.

Ako je to moguće i sigurno, preispitajte zadatke i procese koji uključuju bliski međusobni rad. Utvrdite načine kako ih se može izmijeniti radi povećanja distanciranja.

Gdje to nije moguće, smanjite vrijeme koje radnici provode u bliskom kontaktu i primijenite druge mjere kontrole.

Na primjer:

- smanjite na minimum broj ljudi na nekom području u bilo koje vrijeme
- pomjerite vrijeme početka, završetka i prekida rada

- premještajte radne zadatke na različita područja radilišta ili van radilišta
- razdvojite radnike u timove koji rade u istoj smjeni ili na određenom području - razmislite mogu li timovi imati vlastite prostore za jelo ili prostore za odmor, i
- osigurajte da svaki radnik ima svoju opremu i alat.

## **Stalna revizija i praćenje**

Pratite i preispitujte fizičko distanciranje kako biste osigurali da se mjere primjenjuju i da su efikasne.

Ako mjere fizičkog distanciranja unose nove rizike po zdravlje i sigurnost, kao što su, na primjer, ako utiču na komunikaciju ili dovode do toga da manje ljudi obavlja zadatke, morate upravljati tim rizicima.

## **Više informacija**

Za više informacija o COVID-19 i zaštiti na radu, posjetite [Safe Work Australia website](https://www.swa.gov.au/coronavirus).